

右春坊右庶子兼翰林侍讀胡廣為翰林學士兼左春坊大學士左庶子兼翰林侍讀黃淮為右春坊大學士仍兼侍讀右諭德兼翰林侍讀楊榮為右庶子侍講兼左中允楊士奇為左諭德侍講金幼孜為右諭德皆仍兼侍講侍講鄒輯兼左中允脩撰曾棨林環進翰林院侍講脩撰梁潛進右贊善檢討沈度庶吉士彭汝器王直余鼎王英羅汝敬等俱進為翰林院脩撰令吏部廣等侍朕久勿改外

夜金星犯十二諸侯國秦星

癸丑頒 仁孝皇后勸善書于天下

河決湯陰縣命塞治之免今年田租


甲寅山海衛都指揮同知費瓖為後軍都督僉事

乙卯工部左侍郎張本上章悞右侍郎被劾命即右之

己未高平王濟燁薨年二十九謚懷簡

逮河南按察副使夏禮裴璉僉事溫仲和黃友信下都察院獄以巡按御史曹玟劾其畏巡歷凡事輒委于有司也

設遷曰祖宗時分司不停轍雖窮鄉僻邑干旄時及蓋舟車四馳供帳簡約如郵客然民不告劾晚季深居一成事取遙決耳目寄于銅墨精神疲于案牘或間出于非常勉



一行部郊迎宴遺百牢九賓茂以加馬頹風浸淫安得以

文皇帝之三尺鞭其末流哉

乙丑頌 仁孝皇后內訓于群臣

是夜彗星見

太子少師姚廣孝等輯文獻大成二萬二千二百十一卷更

名永樂大典 上自序之

丙寅給趙王歲祿萬石

設三江清化又安新平順化五衛演州南靖二守禦千戶所
前軍都督僉事皮勇卒勇江南蕭縣人

丁卯夜月犯鬼宿

戊辰設通州左衛立倉貯漕粟

右軍都督僉事柴秉誠卒秉誠降胡倫都克灰居涼州

己巳廣西布政司右叅議吳翔往龍州受民賂東宮下之都


察院獄

庚午夜大星出南河行至游氣中

十二月庚辰朔夜大星青白光燭地自丈人星行至近濁

甲申朝鮮貢馬三千匹

己丑設交州後衛鎮夷諒山二衛增千禦千戶所一十有五



國權

永樂六年戊子

正月庚戌朔 皇后喪免朝賀

朝鮮世子李禔來朝

夜水星犯壘壁陣東星

丁巳岷王梗慢侮不悛削護衛罷長史審理等官

辛酉 上南郊

壬戌夜月犯鬼宿

國權 永樂六年

鹽官設遷孺木著

壬辰置喜刺烏衛野人

甲午頒 太祖高皇帝戒諭功臣鈇榜及勅旨于武臣


丙申 阿魯台遣使來朝 夜月犯軒轅

甲辰中軍都督李諒致仕

乙巳通山王孟煥來朝

丙午夜大星光青白出游氣中行至近濁有三小星隨之

戊申錢塘吳登為禮科給事中



甲子太監王安等使別失八里國時鴻臚寺丞劉帖木兒不
花等使迤西言本雅失里走撒馬兒罕已走別失八里令
迎立之遂遣使覘
開四川捷為縣鹽井
乙丑右軍都督僉事馬榮轉漕北京
丙寅夜月犯太微東垣上相星
丁卯夜月犯亢宿
戊辰設交趾雲屯市舶提舉司
甲戌趙王高燧始奔喪

置禿都河寶山忽里吉山列門河莫溫河阮里河察刺禿山
嘔罕河八衛女直野人

丙子李禔辭歸 上賜詩之


二月壬午趙王還北京

夜火星犯司恠

癸未勅諭武城侯王聰同安侯火真等各練精騎以備大名
宣化等處

丁亥命廣東海運米二十萬石于交趾

己丑裁交趾附郭縣俾知州理民事如內地



癸巳夜水星犯壘壁陣

甲午遣祭別夫八里國王沙迷查干時弟馬哈麻嗣

乙未後軍都督僉事王端都指揮同知林泉都指揮僉事牛

諒俱運木貪淫不法被劾下錦衣衛獄謫王端開平

丙申增交州中右前三衛

命置弗朵克河幹蘭河薛列河希灘河克默而河真阿河兀

里奚山撒义河阿者迷河木忽刺河欽真河并童寬山等十

二衛女直野人

庚子刑部郎中吳盛為右侍郎

壬寅浙江都指揮使孫成奏對不實謫戍邊

癸卯交州知府阮均為北京刑部左侍郎建昌知府同彥翊

濱州府同知黎世凱為右侍郎

夜大星光青白自亢宿南入庫樓

甲辰武康伯徐理卒西平人營州中護衛指揮僉事從靖難

太白晝見

丙子都指揮費義前為軍都督僉事


丁未免北京積逋

己酉工部司務張儼進士邵玘殷旦李玉韓瑜為監察御史

國權

永樂六年

三



諭各功臣子弟習騎射如試不中戍本衛三年又不中戍邊
平江伯陳瑄總海運前軍都督僉事宣信副之

三月癸丑寧陽伯陳懋鎮守寧夏

乙卯免河南山東山西逋租

丙辰有言肅王貪暴不法者 上勅責之逮其僉人朱典及
長史等至京

戊午常寧公主薨年二十三嫁駙馬都尉沐昕

己未賑來安舒城饑民米一萬七千九百四十石

庚申雲南按察使周新改浙江

趙府教授王玘國子生回謙張翼為監察御史


定交趾賦稅務從輕省

辛酉遣諭 本雅失里曰近聞鬼力赤迎爾北行朕計鬼力
赤與七孫台為肺腑親爾與之勢不相立爾元六代相傳無
一善終爾保身亦復何易爾元之終嫡能幡然來歸朕且加
之封爵

忽的河法胡河卓兒河海刺河等女直野人頭目哈刺等入

朝地併入建州衛

夜月犯太微東垣上相星



壬戌賑麗江軍民府饑

癸亥巡按福建監察御史趙昇奏柏生華 上勅責之

丙寅甘肅總兵官左都督何福求協守勅曰汝慮久掌蕃漢
兵勢重生讒耶老将也朕推誠相倚

丁卯置兀魯罕河答罕山木興河益寶者帖列山乞忽刺魯
牙魯友帖九衛 女直野人

己巳召鎮守貴州鎮遠侯顧成還京

術家曾言今歲多海風勅鎮守遼東保定侯孟善兀貢使至
俱遵陸

夜木星望諸王西星


辛未撫安江西 科給事中朱肇捕安福盜虐民株逮三千
三百人 上得狀徵下獄

夜大星出自天厨行至游氣中沒旁有一小星隨之

乙亥琉球國中山王思紹入恩

丁丑江南蘇揚二府言檜花之瑞 上勅責之
戊寅遣勅戒遼王 植遣內人商販恣擾

四月辰午朔禮科給事中傅安往賜撒馬兒罕國王哈里綵幣
癸未設促瓦散金二長官司隸雲南都司



乙酉戶科右給事中陳敬宗為廣西按察僉事

湖廣黃岡教諭羅拱為兵科給事中

廣西布政司右叅議解縉林與林改交趾淇國公邱福泄縉

立儲語于漢府高煦高煦大恨禮部尚書李至剛奏縉怨望

故改交趾督餉化州

丙戌楚王禎私自遣內使市馬于雲南恣肆犯法上勅王

自治之

戊子夜木星犯諸王星

己丑夜月犯進寶星

辛卯永壽王尚炆來朝

夜大星犯鬼宿

甲午夜木星犯諸王東第一星

丙申賑河間府獻縣饑粟一千五百七十餘石


庚子如來大寶法王哈立麻辭歸遣中官護行

設遷曰西僧善幻文皇帝深信之或曰尚師即帝師也

臣諱之耳而太祖寶錄中亦稱尚師豈猶沿元制果史

有所諱乎

丙午湖廣孝感主簿王佐國子生孫儼王增朱應祖孫嵩儒



士項民彛等俱為監察御史

戊申都指揮使薛貴為中軍都督僉事鎮守貴州

鎮遠侯顧成入朝 上慰勞之賜以金鈔文綺尋還鎮

五月庚戌朔肅王稜上章引咎祈免朱典等罪 上不許

癸丑日本國王源道義入貢獻所獲海寇 上厚賜之

甲寅設遼東自在安樂二州 即自在快活二城

乙卯福建按察副使盧文達有事成邊

丙辰夜大星赤光燭地出狗國東南行入游氣二小星隨之

戊午瀋安唐郢伊魯六王將之國命戶部各歲給千石免其

護衛屯田三年

設遷曰趙王萬石瀋安唐郢伊魯六王則止千石漢明帝

有言吾子孰敢與先帝子並惜乎無以是告 文皇帝者

庚申夜月犯東咸星


辛酉通政使左叅議賀銀坐敗因劾免

夜月犯天罡星

壬戌夜京師地震

癸亥詔悉赦交趾餘孽使各復業

戊辰靖江王贊儀薨



壬申留守中衛經歷徐隆右衛經歷宋興為監察御史

乙亥山東青州蝗官捕之

六月庚辰停北京諸郡買辦招徠流民免其賦役三年

辛巳勅禁軍民子弟僮奴冒為僧并父兄罪之令輸作

壬午陝西漳縣雨雹淹廬舍傷人畜甚眾免今年田租

甲申改潼關衛隸北京行後府

夜金星犯諸王星

丁亥命戶部尚書夏原吉自南京抵北京緣河巡視軍民運
木造磚

征夷將軍新城侯張輔左副將軍西平侯沐晟等班師至京
上交陞地圖設十衛二千戶所十五府四十一州二百八縣
上勞嘉之

翰林院庶吉士沈升上五事曰整飭各衛武備曰預選精銳
充扈從曰移鄉村倉廩于城委老人及溫室守視曰選經明
行脩之士充教官曰鄉試務精選實學 上採用之

夜月犯房宿


庚寅右春坊右庶子兼翰林侍講楊榮憂去

壬辰諒江知府莫邃為交趾布政司左叅議初邃忿黎民募

國權

永樂六年

八



土兵萬餘人助討有功兄弟適遵迪遠並授知府指揮監運
使官遂後陣沒子嵩嗣職陷黎氏遇害登庸冒遂為曾祖云
嵩生萍：生登庸

丙申欽天監占外夷侵邊于是勅趙王及總兵甘肅何福寧
夏陳懋廣西韓觀交趾呂毅大同吳高等各飭邊備

夜金木二星犯井宿


己亥太監王安馳奏本雅失里自別失八里北行遣人伺哈
密被留 上勅忠順王脫送其人于何總兵福

庚子吏部左侍郎兼左春坊左贊善許思溫卒于獄思溫自

國子生署刑部主事歷遷監察御史降揭陽知事未上還前
任薦擢北平按察副使值靖難城守功超任 上即位拜吏
部左侍郎兼左贊善時漢趙二郎相繼伺東宮中之下獄瘦
死年四十三有才略尤長兵事未悉寃人俱惜之洪熙初 死
贈行在吏部尚書

夜大星自天槍行入右攝提

辛丑禮部尚書鄭賜卒賜福建寧人洪武乙丑進士授御
史歷湖廣北平左叅議建文中拜工部尚書督軍河南 上
即位詰語賜對曰亦盡臣職耳釋之改刑部和厚易直而同



官數短之益疑畏至疾猶不敢休沐上聞之諭祭葬

壬寅鎮守貴州鎮遠侯顧成勦橫州叛蠻

甲辰右副都御史劉觀為禮部尚書龍江左衛經歷王恕為北京監察御史

七月丁未朔楚世子孟烷來朝于闐滿刺加入貢上表

遣內官把泰李達等諭八答黑高葛忒即哈實哈兒等開道通旅

戊申夜金星犯天罇西星前車辰有星如斗土明曰扶夷已酉夜大星出天津西北行至女牀有一小星隨之土罇前

辛夷始吉服御奉天門

魯王肇輝之國兗州

夜火星入太微垣右掖門

癸丑叙平南功新城侯張輔進封英國公西平侯沐晟進封


黔國公各世祿三千石豐城侯李彬雲陽伯陳旭各增祿五

百石清遠伯王友進侯世襲都督僉事柳升封安遠伯故都

督僉事高士文贈建平伯皆世襲都督僉事朱榮進右都督

餘陞賞有差

夜大星出天棓行入天紀犯西稍星



甲寅賜兵部尚書劉儁吏部左侍郎陳洽工部主事黎添祿等金幣有差

乙卯罕賓襲木邦軍民宣慰使罕的法之子

丙辰設里麻長官司隸雲南都司

夜火星犯太微垣右執法

己未山西都指揮同知魯麟從征交趾有功賞之仍罪謫戍

南丹

辛酉思明府大雨水壞城舍人畜

癸亥國子思司業趙季通北京

甲子黔國公沐晟仍鎮雲南

福建行都指揮僉事劉達受賕貸死徽海捕倭御史殿昶又

受達賕戍盧龍衛

丙寅浙江布政司左叅政張春為戶部右侍郎

庚午諸司庶務奉皇太子處分稱令旨

夜大星出天苑行入近濁三小星隨之

壬申賜故朝鮮國王李旦謚康獻禮部郎中林觀往祭


設遷曰李旦黎季犛之篡弒一也在旦則謚在季犛則討

袞鉞稍失其平矣雖狗其子芳遠之請然義無二命遣祭

國權

永樂六年

十一



可也易名之典少需之以俟論定

癸酉翰林學士王景卒景字景彰松陽人洪武初歷

諭守州進山西右贊政謫雲南建文中改知縣脩實

錄憂去起翰林侍講從上進學士博學善文翰然不謹細

故與時多忤云

是月玉山永豐二縣疫

八月丙子朔定明年巡狩北京議區畫

遣諭大吉刺宣慰使潑的那浪時科給事周讓時使還言
潑的那浪攻奪底板孟倫八家塔三長官司宜討故勅諭之

丁丑周王楠進野蚕蠶

戊寅安徽歙縣知縣石啟宗卒啟宗江西樂平人由薦辟廉
謹平易門無私請尤善決訟禳旱祛蝗人甚德之


己卯浚浙江平陽縣支河

辛巳設北京會同館

壬午各屯田務從輕例

癸未翰林脩撰李貫檢討王洪主試應天

乙酉交趾賊簡定鄧悉等作亂定故任陳氏降我例赴京遂
同陳希割逃去說鄧悉等起化州推定聚萬眾益南合慈威



蠻下大堂應平石宣等遂稱大越上皇改元興慶希葛為太保郡公官軍不能制詔發雲貴川兵四萬拜黔國公沐晟征夷將軍征之兵部尚書劉儁仍贊軍事

丙戌詔明年北狩

丁亥唐王桎之國南陽郢王棟安陸伊王樸之國洛陽之國

庚辰武安縣電

壬辰中官張原使暹羅先是暹羅人字黑隨貢使失風流安南之久安被留沐晟訪而歸之

夜大星青白光出閣道行入紫微西蕃內有三小星隨之

癸巳召戶部尚書夏原吉還

甲申勅諭交趾叛人簡定等

乙未淳泥國王麻那惹加那乃率妃及弟妹男女來朝遣中

官迎勞 上親宴之奉天門賜儀仗衣服

丙申增設甘肅苑馬市寺各監苑

已亥起復光祿寺卿張泌

九月丁未勅山東陝西遼東湖廣河南山西各都司簡步騎扈


從北行

前禮部尚書兼左春坊大學士李至剛下至是釋降儀制

國權

永樂六年

十三



司郎中

戊申國子生趙獻劉勤文獻宜順鮑在禮謝恭趙光倫滕宗
智顧文遠余信商忠徐期王信周榮鄭道成均張啟劉弘道
趙慎並為監察御史

己酉潞州慶成王府改藩王府

部院多淹獄致死 上惻然責尚書呂震等三日除大辟罪
餘盡決遣

庚戌前江西布政司左叅政劉辰為北京行部左侍郎
甲寅夜大星出外屏行入騰蛇旁

辛酉榜葛剌國王蠹牙思丁入貢


壬戌翰林編撰吳溥為國子司業

秦興縣丞郝傳巖奉化教諭成山兗州訓導朱麓滕陽駙丞
曾由正監生黨忠為吏科給事中懷寧教諭程昭安慶訓導
蘇文進平峪典史李清監生宋載裴宣為戶科給事中岷州
衛教授陳順親武義教諭吳道光西安府照磨朱芾監生胡
渙王成美為禮科給事中永寧縣丞黃旺京山教諭丁鐸泰
興訓導陳道桓監生周鎬蕭鼎李頰為兵科給事中戶務司
務譚福吳江主簿陳敏大竹教諭冉寧平江訓導武烈監生

國權

永樂六年

古



劉城任憲為刑科給事中婺源教諭樊敬監生劉泉胡進張
周中白永年為工部科給事中

癸亥中書舍人芮善為司經局洗馬

乙丑逮進府紀善古紹先以拒北巡詔不納善迎詔具在祖
訓紀善有不知耶

建昌撫州邵武建寧延平連年大疫東宮遣官視災賑卹

丙寅夜大星青白光燭地出羽林軍行至雲中

丁卯山東都指揮使吳庸為後軍都督僉事

己巳夜大星出六諸王東北行至近濁

丙申夜大星出壘壁陣東行至近濁

癸酉太監鄭和復使古里滿刺加蘇門答刺阿魯加異勒奴

哇暹羅占城柯枝阿撥把丹小阿蘭南巫里甘巴里諸國賜

其王錦綺紗羅

夜大星光濁地出太微西垣入太微游氣

甲戌夜大星赤光出參宿行入四瀆旁

十月乙亥占城貢象


淳泥國王麻那惹加那乃卒于會同館賜祭葬安德門外謚

恭順

國權

永樂六年

十五



丙子瓦剌馬哈木等遣使貢馬

福建山西布政司叅政房安陳壽為工部左侍郎

廣東右布政使徐奇卒奇福建浦城人由監生擢戶科給事

中永樂中進都給事中頗佻薄好訐人及在嶺南廉勤愛民

能改過矣

已卯脩 皇陵

夜陞太原宣化二州俱進府

庚辰工部左侍郎房安失奏對降山東右叅政

夜大星出天輦東南色黃潤出而不行蓋周伯德星云

十辛卯都督同知譚青劉江俱為都督都督僉事冀英曹得右

薛貴曹隆陳亨朱廣方敬俱都督同知都指揮使冀中梁福

馬聚為都督僉事都指揮同知雷春李順俱指揮使

壬辰禮部尚書劉觀請豫市藥療馬 上不聽曰牧馬得宜


自為疾苦需藥豈不厲民也

癸巳肅王橫獻馬士二千匹

安王稜之國平涼

改順天稅課司為都稅司

甲午交趾都指揮使張欽卒欽巢縣人以雲南右衛指揮故



使敗黎賊奇羅海口部卒李保生擒黎澄

丁酉勅甘肅總兵官左都督何福曰得奏欲取西平侯家善馬孳牧太祖時勲貴家皆令畜馬蓋共享富貴之意此舉其止勿言

己亥勅宣府備禦武城侯王聰同安侯火真還北京

庚子豐城侯李彬充總兵官都指揮江浩蔡斌副之練綠江舟師

壬寅起復右春坊右庶子兼翰林侍講楊榮

十一月乙巳朔復陳瀨楊祥監察御史俱坐罷謫

丁未設陝西威鎮蕃二衛及鎮夷守禦千戶所

戊申遐旺襲封淳泥國王還國舊淳泥歲貢瓜哇片腦四十斤求勅止之

設乞塔河衛女直野人


己酉藩王模之國潞州

甲寅勅太子太師淇國公邱福吏部尚書兼詹事蹇義兵部

尚書兼詹事金忠翰林學士兼左春坊大學士胡廣右春坊

大學士兼翰林侍讀黃淮右庶子兼侍講楊榮左諭德兼侍

講楊士奇右諭德兼侍講金幼孜司經局洗馬姚友直等輔



道皇長孫

夜大星光青白出氏宿行至游氣

丙辰江西道監察御史于敬李賢為左春坊左中允宛平縣

丞梁敏為左贊善山東道監察御史劉子春河南道監察御

史韓守益為右春坊右中允行乞邵昇為湖廣按察使司

丁巳法司論囚三百餘人 上恐有寃令行人持節諭得自

許又許讞釋二十餘人

庚申作 皇陵祭器

丁卯日本國入貢表賀

十二月乙亥免交趾國有司來朝

丁丑中官張謙行人周航護淳泥國王遐旺還國封其鎮國

山立御製碑

己卯雲南孟良府土知府刀交貢象及金銀器禮部以嘗構

兵侵鄰欲卻之 上曰往事不足責

庚辰勅諭北京官吏父老軍民宜力本砥善有寃抑朕至日

悉許自陳


瓜哇國西王都馬板貢黃金萬兩謝罪禮部欲責其餘負

上曰朕欲柔遠豈利其金耶餘免之諭以勅

國權

永樂六年

六



真臘暹羅二國來朝

癸未夜大星出參宿行入南河旁有二小星隨之

甲申鑄行在府部院寺錦衣衛等印內府尚膳等監兵仗等局鑄印隨駕

都指揮使李龍指揮王雄領兵六千人往沙門島防倭

乙酉前湖廣右布政儀智為禮部左侍郎山西右叅政蔚綬

為戶部右侍郎廣西祿州判官湯宗為大理寺右寺丞

丙戌以晉王濟熿通市西番賜烏藏闡化王青錦等勅戒

之并責長史等官

庚寅進士陳智吳中為監察御史

日本國世子源義持告父源道義之喪遣中官周全往祭謚

恭獻復封義持日本國王

辛卯李遠伯柳升充總兵官平江伯陳瑄副之率舟師防倭

癸巳右軍都督僉事馬榮轉漕北京

都督僉事吳允誠子荅蘭柴秉誠子別力哥等請率騎兵巡

邊自效許之時鬼力赤被弒太師阿魯台立本雅失里為可


汗

甲午安徽蕪湖教諭陳琦為廣西道監察御史

國權

永樂六年

十九



都指揮使李達討西寧申藏簇番

靈邱李文秀妻米氏一乳生三子右僉都御史史仲成以聞
詔遣官以詔賜米鈔皆月給米五斗十歲乃止後俱入邑庠

讀書

丙申令教官考滿吏部拔才識辦事六科一年始甄用

丁酉交趾總兵官黔國公沐晟討賊簡定戰于生厥江敗績
都督僉事項城呂毅兵部尚書江陵劉儁交趾布政司左叅
政武城劉昱皆死之毅濟陽衛百戶從靖難沉深有勇略深
入陷陣死儁洪武乙丑進士授兵部主事歷左侍郎建文時
侍中鎮宥有勇數善應變至是軍敗被圍罵賊不已自經


戊戌豐侯城李彬充總兵官都督費瓛副之自淮安沙門島
緣海防寇

都指揮羅文充總兵官指揮李敬副之自蘇抵浙緣海防倭
如值豐城侯聽節制

己亥興平王尚焯來朝

禮部尚書劉觀刑部尚書呂震易任戶侍右侍郎蔚綬改為
禮部右侍郎

庚子都指揮姜清張真充總兵官指揮李珪楊行副之往廣
東福建防倭如值豐城侯聽節制



是歲罷浙江温州處州銀鉛坑冶
始設筦馬府通判州判官縣主簿

國權

永樂七年己丑

正月甲辰朔外官來朝

丙午入覲官陞辭 上諭之

己酉大星出柳宿行至游氣

庚戌山東道監察御史何晟陪祀鳳陽 皇陵行御道入殿

狎玩大不敬棄市


辛亥嚴邊關茶禁國初番人上馬給茶八十斤中馬茶六十

國權

永樂七年


一

國家圖書館, NATIONAL CENTRAL LIBRARY, TAIWAN, R.O.C.



斤下馬茶四十斤及 上遞增其數碇門茶馬司用茶共八萬三千五十斤止易羸馬七十匹故嚴之
右春坊右庶子兼翰林院侍講楊榮母喪陞辭命起服扈從
壬子倭犯東海千戶所
癸丑元宵節賜假十日張燈弛夜禁著為令
甲寅諭北巡所歷郡縣止正官一人朝見
乙卯 上南郊 丙辰皇孫瞻墀生
戊午涼州都督僉事吳允誠率騎同都指揮劉廣等覘于亦集乃

左都督何福鎮守寧夏寧陽伯陳懋出塞哨 援吳荅蘭等
壬戌朝鮮入貢
癸亥命翰林院學士胡廣翰林侍講楊榮金幼孜扈從
甲子平江伯陳瑄充總兵官都督宣信副之督北兵餽運
丙寅命都督馬榮率山東河南等處官軍衛河餽運
庚午交址總兵官沐晟求濟師命英國公張輔總兵前往
辛未交址左布政使張顯宗卒顯宗寧化人洪武乙卯進士
授翰林編修歷國子祭酒建文中擢工部右侍郎坐事免交
址平起官及側未安勞來撫綏民皆德之



二月甲戌朔勅皇太子監國示聖學心法書四卷君道臣道父

道子道仍梓行之

夜大星出左旗旁行至雲中有五星隨之

乙亥命禮部遣使于經蹕存問高年八十以上者賜肉五斤

酒三斗九十以上者加帛一 是月滿刺加國入貢

丙子起致仕長沙知府劉彥才等九十二人分署各郡縣

命榜葛刺國入貢

戊寅諭左春坊大學士黃淮左諭德楊士奇盡心輔導

己卯冊貴妃張氏賢妃權氏順妃任氏昭容王氏昭儀李氏

婕妤呂氏美人崔氏

張氏河間忠武王女
王氏蘇人餘皆朝鮮

是月河決陳州

庚辰福建泉州知府姚恕為應天府尹

國子生汪藻李節劉伯蘊金文英萬質史壽署六科給事中

翰林院侍講鄒輯左春坊左司直郎徐善述等主禮闈


辛巳告北巡于郊廟社稷

行在戶部尚書夏原吉兼行禮在兵二部都察院事

鑄北京皇城四門銅符及夜巡銅牌

壬午英國公張輔為征副將軍總兵官清遠侯王友副之

會征夷將軍黔國公沐晟討交趾叛寇 是日上發京師



癸未 上次安徽滁州

北京行部左侍郎康汝楫卒汝楫武功人官燕府長史司錄事恭謹無失遷安岳知縣有治績 上即位來朝尋擢今官上悼之子爵授上林苑左監正禮左監副

丙戌夜金星犯外屏


丁亥忠誠伯茹瑄卒于錦衣衛獄瑄衡山人太入學授承勅郎遷左通政歷通政使右副都御史太子少保兼兵部尚書建文中改吏部降河南布政使尋復兵部事 上進對賜告還長沙不朝谷王被劾頌繫瑄惶懼仰藥死瑄雍容凝重不

妄言笑 太祖高皇帝日以賢者晚不自保人皆惜之

設遷曰漢文帝脩代來功其後絳灌猶時見疑茹瑄最為太祖所信用也雖忤黃太常子澄有中州之行然地偏勢嫌何功而致此茅土乎日者宜席藁辟穀得為布衣足矣不是之圖嚇其腐鼠一下請室生望已絕史謂 上將釋之無幾聞其卒甚惜之蓋飾說也茹瑄沒後詰仰藥之由子銓坐殊死男女没入官刑渥之凶又何惜哉

戊子 上次鳳陽祭陵遣祭 祖陵

己丑遣祭靈璧陣亡將士



庚寅前右春坊右贊善兼翰林檢討王汝玉降典籍以脩禮
書寮制當戍邊 監國宥之

癸巳次徐州親祀徐王墓

戊戌廢吉士王仲壽進士杜春大壽寧訓導朱敏麗江府檢
討楊脩國子生劉子輔張觀鄭璘劉保陳耘張睿王瑀張善
俱為監察御史

己亥禮闈得貢士陳燧等九十有五人並隸太學俟 駕回
宮廷對


上至濟寧魯王肇輝來朝善為容 上賜賚甚厚又賜米千石

壬寅 上次東平諭侍臣曰漢東平王蒼對明帝為善最樂
言可味也

三月甲辰朔望祭泰山

丙午廣東都指揮花英楊瑒前南征賄清遠伯王友迂道徑
還欽州事聞免官從南征自贖
己酉戶科都給事中胡濙出使道寶雞縣獲雙白雉獻行在
辛亥次景州望祭恒山

乙卯北京行後軍都督僉事平安自殺安潞州人襲濟寧衛
指揮僉事洪武末擢右軍都督僉事禦靖難敢力戰數有功



上固嫌之至是語之曰平保兒小字猶在乎安聞之引決
丙辰勅海運總兵官陳瑄等漕舟必會安遠伯柳升兵護送
勦倭寇

召豐城侯李彬回京

辛酉汾州訓導張宗義衡山教諭蘇玉宿遷訓導張瑛為吏
科給事中興國訓導夏廷振儀封教諭張萃為戶科給事中
忻州訓導延瑁黃梅訓導王宣為禮科給事中平原訓導希
文為工科給事中國子生王渥為四川道監察御史
山西太原地震

壬戌 上至北京御奉天殿受朝賀

癸亥大賚北京官吏軍民

甲子行在兵部左侍郎方賓為尚書

召文武大臣諸翰林從游萬歲山賜宴


交趾進白象

丙寅釋北京囚戍止畿內者民來朝

丁卯置葛林把城札肥河忽石門札嶺木吉里哥吉河納刺

吉忽兒海木東河好屯河十一衛女直野人

戊辰都督僉事吳允誠等獻俘二十二



夜大星出土司空旁入天廟

庚午大宴文武群臣及北京耆民仍賜勅諭

壬申安遠伯柳升敗倭于青州之海中靈山斬獲亡美

四月癸酉朔都督僉事吳允誠為右軍都督同知

丁丑遣都指揮金塔卜歹科給事郭驥特賫書諭本雅失

里并賜其臣阿魯台馬兒哈咱脫光赤哈失帖木兒等綵幣

各四

夜大星出文昌行至游氣

海盜阮瑤等寇廣東欽州官軍擊擊敗之獲二十七舟

癸未朝鮮琉球入貢

甲申進士陳勉林泰潛溟俱為監察御史

丙戌編紫荊居庸古北喜峰董家山海六關出口勘合各有

百道驗放


丁亥召鎮守遼東保定保侯孟善回京

撒馬兒罕國入貢

庚寅上聞太子譴責刑部尚書劉觀賜書曰群臣雖細故

勿遽折辱亦不可偏聽機務之重稍有所忽累德不細

壬辰趙王高燧侈費歲止給米三百石鈔一千定



鎮守貴州鎮遠侯顧成好殺俘獲 上勅戒之曰李廣殺降
禍貽子孫今卿鎮邊疆必蠻夷懷服其德渥矣慎之慎之
癸巳置伏里其乞勒尼二衛敷答河千戶所奴兒干
已亥賜皇太子書優容群臣勿任好惡凡功臣犯罪調發將
士須奏決

閏四月己酉設奴兒干指揮使司東寧衛指揮康旺為都指揮
同知千戶王肇舟等為都指揮僉事
甲寅安徽和州學州倪懷敏為北京道監察御史
乙卯夜大赤星出雲門行至雲中

丙辰行在錄囚

戊午徙大同左右二衛護于定邊鎮朔寧改大同左右二衛
已未行在左副都御史李慶憂去命起復


甲子安肅縣前雨雹命免今年田租

乙丑新喻縣致仕大使教如淵啟于監國曰細民安業宜慎
擇守令按察司仍歲二月出巡郡縣察其廉貪而去留之也

監國納之召如淵至當署縣特命署江西臨江府事

丁卯都指揮同知張勇嗣安鄉伯張興之侄

設北京寶鈔提舉司



夜大星光青赤出侯星旁行入天廟有二小星隨之

戊辰大理寺右評事王恪改廣東道監察御史

庚午設茂山衛隸大寧都司

五月壬申朔召諭北京父老

安邑縣教諭白威言民饑苦科徵其稅糧乞折收鈔帛監國命停徵罪縣官進威安邑知縣

甲戌浙江錢塘知縣黃信中青田知縣謝子襄開化知縣夏升等各為杭州處州衢州知府皆循吏考滿邑入乞留之
丁丑武城侯王聰同安侯火真率三千騎練去兵備宣府

已卯定山陵于昌平之黃土山形象家廖均卿所擇 上臨

視封曰天壽山


癸未都指揮使馬旺都指揮同知陳翼夏貴俱為中軍都督同知

甲申輔國將軍贊傑卒故靖江王守謙第七子獨孝弟

前湖廣按察僉事周鑄刑部郎中孟周為監察御史進士曹常為北京道監察御史

夜大赤星出房宿西行至雲中

乙酉改忽兒海衛為弗提衛



戊子脩安陸江隄

乙丑罷四川採木軍各還家

思南宣慰司教授趙緯仍禮科給事中

庚寅山道東監察御史周幹為左春坊左中允

辛卯置邊城調軍勘合

壬辰交趾總兵官英國公張輔等屯北江之仙游縣造舟招

諒江江北太原等逃民復業時簡定偽大越上皇從子陳季

擴冒陳氏偽皇帝改元重光安南人不忍棄陳氏多相率歸

季擴出沒為患

包汝楫曰交趾與滇壤接戶口視中國十二三 文皇帝

興師平定入叛章十餘年矣周漢法易戎索叛亂踵起旋

棄之向使拊御得宜更絃以漸濡濯聲教寧遜于滇南哉

論者不揆後事而咎前謨若解大紳革良所謂書生耶

乙未封瓦剌馬哈木順寧王太平賢義王把禿孛羅安樂王

其階俱特進金紫光祿大夫賜印誥時可汗本雅失里寢弱

馬哈木等不肯與朝會至是皆上貢表貂馬


丙申夜大星光燭地出天江南入箕宿

戊戌臨潼知縣譚福揚州經歷孔會福建都司斷事李原暹

國權

永樂七年

十



為監察御史

己亥琉球國山南王汪歲應祖入貢

六六月壬辰朔山東汶上知縣史誠祖為濟寧知州誠祖久任廉平寬簡上北巡遣御史課最特勅勞之以揚州同知張騰貪虐徵下獄

渾河決固守安縣傷稼

甲辰前河南按察副使裴璉為廣東道監察御史

御史袁綱覃珩有罪監國下之獄綱珩至兵部索皂隸適武庫主事李貞遣皂隸葉轉等四人就役指其受金左都御史

陳瑛請下貞獄監國疑之數日貞之妻擊登聞鼓訴御史傳


貞語索首飾納贖置不能應監國知其有寃下廷訊惟葉轉至貞及皂隸三人皆不承答死三日矣監國詰袁綱覃珩並伏罪刑科右給事中耿通并劾瑛

乙巳蜀世子悅熾薨

丁未設北京宣化清平居庸榆林鎮安懷來宣城寧國威遠德勝等衛

夜大星光燭地出彗星南行至近濁

己酉諭皇太子命黃淮楊士奇送高皇帝御集及洪武寶



錄于北京仍以翰林鄒輯梁潛李貫王洪并選廷臣謹厚篤
實文學可稱者數人偕來

庚戌夜月犯心宿前星

辛亥申諭功臣并錄洪武間鉄榜示之

命在外諸司官免朝行在

百戶李咬住報下本雅失里殺我給事中郭驥指揮今駐臚

胸河欲襲兀良哈諸衛寇邊上命塞上嚴備

江西萬載知縣舒仲誠黃州訓導許勝監生朱侃劉洵潘浩

陳禮李本俱為監察御史

東宮

壬子朝鮮入貢

甲寅東宮起復司經局洗馬兼翰林院編脩楊溥

丁巳迺北迺北偽國公阿灘卜花朵來等來歸勅寧夏總兵

陳懋善撫之

己未復徐新監察御史行人程賜前同新謫滄生亦除監察

御史嚴州經歷彭齡為禮科給事中

壬戌江西道監察御史方恢匿父喪東宮命執赴行在


己丑大理寺少卿虞謙為都察院右副都御史

是月淮水溢壽州傷稼

國權

永樂七年

十二



丙寅勅瓦剌使臣取道亦集乃毋經哈密如亦集乃未便取他道

黃州訓導萬景脩邵陽訓導韓衡為監察御史劍州學正李達為右春坊右司直郎

東宮


丁卯簡御史張循理等二十八人赴北京上問其自張循理張睿歐陽謙等二十四人由進士監生洪秉龍士安等四人由吏上曰御史乃朝廷耳目大須學識何吏為改洪秉等序班命御史勿復用歐陽謙文學稍優改翰林院編脩又四人迂儒降知縣

鳳陽大雨水

戊辰上御奉天門語及水旱右通政馬麟曰水旱天意也問一二處有之何慮上曰非然也洪範雨暘皆人事致之

顧尚書方賓等曰其擇賢守令則民安民安則應于上交趾總兵官英國公張輔進慈廉州攻碣門江粉社營皆破之進廣威之孔目柵偽金吾將軍黃巨斂等皆遁去已巳禮科給事中傅安等還自哈烈撒馬兒罕各隨使及火州入貢尋遣安等送哈烈使臣還

庚午徙青州等貧民于冀州八百餘戶



七月癸酉滇國公邱福為征下大將軍總兵官武城侯王聰同
安侯火真為左右副將軍靖安侯王忠安平侯李遠為左右
叅將率甲騎十萬前往征下本雅失里上諭日出開平而
北即不見下亦嘗如對壘下設奇奮擊不得便即止毋輕
毋為下詔如未捷寧再之
遣諭本雅失里
丙子廣東左叅政樊敬為左通政
已卯右春坊右司直郎劉端改大理寺右寺丞
庚辰夜月犯南斗魁第二星

癸巳翰林典籍王汝玉為左春坊左贊善兼翰林院編修

甲申麗水縣大雨水壞廬舍人畜


浙江

乙酉夜大星光燭地出雲中

丁亥韃靼脫下花王把禿王都督伯克帖木兒都指揮哈
刺你敦國公賽因帖木兒司徒撒兒桃賽罕知院都禿阿魯
把撒兒等各率所部詣甘肅求降命右庶子兼侍講楊榮往
諭總兵官何福招撫之

戊子改鎮康州隸雲南

庶吉士王瀾為左春坊左司直郎江西臨江府推官金輝為



廣東道監察御史

庚寅武安侯鄭亨備禦開平

辛卯密雲縣獻嘉禾群臣欲表賀止之

乙未韃靼丞相答卜王亦兒忽禿典往哥平章都達禿兒赤
司徒禿魯塔失國公卜答失里同知朵兒只速可同僉阿東
等二萬餘人來歸寧夏上勅勞之

丙申遣中官徐亮勅勞本邦軍民宣慰使罕賓時入貢言緬
甸宣慰使那羅塔數誘我叛力拒之故有是命

丁酉旦老人星見丙位其色赤黃

古里國王沙米的入貢


戊戌階州妖賊王金剛奴伏誅賊久亂潛遁至是私還里捕
得之

藤縣教諭王綱隴州判官汪衡為兵科給事中

是月前北平都指揮僉事謝芳為後軍都督僉事張毅為北
京留守後軍都督僉事

八月辛丑占城入貢

交趾賊鄧景異等攻盤灘都指揮同知儀真徐政力戰飛槍
洞其脇政猶督衆殊死鬥賊敗去政腹潰死盤灘最要地藉



以全

戶部左侍郎王鍾卒鍾字公虞江南華亭人起掾史成遼東
薦授行太僕寺典籍進燕王紀善從世子城守恭順不懈永
樂初授北京行部郎中沉厚詳雅臨決如流亦未易才也

乙巳設北兵五城兵馬指揮司

己酉夜月犯十二諸國周星

庚戌夜月犯壘壁陣西第一星

辛亥浙江台州温州大雨水


壬子韃靼國公阿灘卜花等至北京授右都督僉事餘授右

指揮千百戶鎮府等官有差

甲寅征下大將軍邱福等没于臚朐河邱福出塞先驅至臚
朐河遇下前鋒以輕騎千餘摧敗之乘勝渡河獲下一尚書

酒之間可汗安在云北遁去比可三十里福大喜疾馳前諸
將皆曰下非真敗也恐誘我今後兵未集毋寧俟其集而先
遣精騎視之福接劍怒以下尚書為導薄其營相持一日下


戰輒引卻福益銳平安侯李遠泣諫曰將軍不念廷諭乎而
躁亂若此何自取敗亡為也武城侯王聰交沮之不聽以同
同安侯火真故胡人使詐與下和自率騎繼其後火真猶豫



未決福厲聲欲斬之先驅而行從騎皆泣下諸將勉從之
張左右翼圍我李遠王聰率五百騎突陣斬首數百皆死之
福與王忠火真被執並死之急擊後軍無脫者所死亡數萬
福鳳陽人事燕邸積年勞至護衛千戶有膂力戇朴勇鷙不
甚曉文義而善撫士卒起靖難其摹畫志計不能如張玉而
而敢戰深入過之及封賞論功第一年六十七李遠懷遠人
蔚州指揮僉事善騎射沉毅胆壯言論侃侃自許忠義年四
十六王聰蘄水人燕山中護衛總旗進百戶年五十三王忠
孝感人初指揮守蔚州同李遠降年五十一火真居開平乾

柴嶺國初來歸授燕山中護衛千戶以勇敢著年六十一

設遙日甚哉籌邊之難也胡奎請迎陳天平而陰殺之阿
魯台謀款旋剽我使臣殺逆臣測此非舜子所能格也本
雅失里之初衆心未附降胡接踵謂垂敗之下尺組可縛
故淇公揮劍無前滅此朝食迨驚塵沸天捐十萬之甲以
填臚胸猶未塞也嗟乎蜂蠆有毒况冒頓之餘腥乎上
在潛邸數出塞北自後陰山斷牧者十餘年兵有時而變
不得以前事為準也嗟乎靖難元功無一善牖下張玉隕
首于東昌朱能招魂于嶺表邱福委骸于窮漢張輔晚喪



于也先彼功名冠諸將略可觀矣噫北望榆川鼎湖之淚
如新也何論彼元功哉

戊午設爰和把河二衛女直野人

庚申交趾總兵官張輔敗賊藍子闕初鄧景異據南策州盧
渡江輔向藍子闕偽金吾將軍阮世每以衆二萬守以輔卒
雲陽伯陳旭都督朱廣都指揮俞讓方政等乘風沂舟發炮
矢如雨賊卻斬三千餘級溺死無算擒偽校二百餘人獲四
百艘賊退保黃江
辛酉召開平備禦武安侯鄭亨還

進士韓縉趙惟恭王志林伯宗韓泰鄭傑俱為給事中周班

邵彥輝楊諳居仲鄭辰鄧斌祥俱為監察御史

甲子修浙江海鹽縣石隄六百餘丈

四川繁峙縣獻嘉禾二百七十九本禮部欲表賀不許

河南遂平縣水傷稼乞輸鈔代稅從之

張輔兵至盧渡江太平橋鄧景異先遁遂招諭難民復業而

交州北江諒江新安建昌鎮蠻諸郡皆安

乙丑韃靼知院迭兒必失等來歸命寧夏侯陳懋迎勞之


戊辰長葛訓導張時為刑科給事中

東宮

國權

永樂七年

十六



九月庚午朔日食

封甘肅總兵官右軍左都督何福寧遠侯

張輔敗賊鄧景異于太平海口初遣都指揮方政李龍等擣之賊三百餘艘分迎接戰斬五百餘級景異脫身遁

辛未誅江西妖賊李法良先劫安福縣敗走吉水縣獲之

壬申韃靼虎力罕等來歸留居京師

癸酉夜大星出天庾西南行至游氣

甲戌上聞臚胸河敗績歎曰邱福懷輶喪師朕失于知人也決策親征贈故平安侯李遠莒國公謚忠壯故武城侯王

聰漳國公謚威毅命其子龍襲爵

削邱福淇國公封爵奪誥券徙其家海南洪熙初當例宥以善漢庶人故不叙子孫長為海南人

王世貞曰淇公覆十萬之衆于一雖身膏草野而追削階


爵家發海南蓋重其敗績之罪而略其死事之忠也以靖

難元勳而猶不免故受服之日凜若嚴霜好謀萬全撓敗

自少厥後柳安遠臨安南七萬人以身死故贈融公謚襄

敏至沐定遠麓川之捷擁兵不救以至喪大將身亦知罪

飲鴆朱平陰久為禁帥戎政不修出陷也先五萬騎無一



矢還者遂致犬羊憑陵乘輿失守猶各贈以王爵加之尊
名固云國家忠厚之道然軍律日懈飛捷漸希竊謂今之
處淇公雖近傷恩而後之處融國定遠平陰不免傷義任
事之臣有不得不任其責者矣

乙亥旌金吾右衛總旗張法保孝行擢尚寶司丞法保嘗割
肝臂再療祖母疾

許罪囚戍武職赴北京自陳時欲簡銳北征

丙子武安侯鄭亨率師巡邊

戊寅書諭皇太子北征

勅行在五府練士繕械太僕寺送萬馬北京

己卯設耒屯吉失里木二衛女直野人

庚辰安吉右衛改通州右衛

壬午成安侯郭亮守備開平

勅瓦剌順寧王馬哈木等防詐攻


行在刑科都給事中張信為行在工部右侍郎

甲申勅甘肅總兵官寧遠侯何福練萬人從征

涼州衛指揮同知點木為都指揮僉事賜姓名安守敬

丙戌夜大星出柳宿東北行至軒轅

國權 永樂七年 辛



戊子勅鎮江守大同江陰侯吳高如，掠邊各屯糧食悉收入堡深塹嚴備。

江南揚州知府徐銘為兵部右侍郎。

己丑大選各衛各王府軍士七萬四千人從北征。

辛卯益五百人守山東登州沙門島原舟備七百人。

廣東巡海副總兵指揮李珪擊欽州海盜敗之，追至交趾為

寧縣殺溺亡筭。

壬辰旌南昌武寧人陳仲賢孝行，屢封，股愈母疾，擢鴻臚

寺司儀署丞。

丁酉東宮禁青龍山採石，以工部司吏汪如海言山近在

孝陵。

十月己亥朔，上召諸將諭親征之策，漸移營東南，或往攻

瓦剌，我二月出塞，持二十日糧可至其地，覺而遁，亦可追

也。命行在戶部尚書夏原吉議餽運，上曰：武剛車足可轉

餉，然道遠人力為難，朕欲沿途築城貯餉，以俟大軍，其法便

遂。議武剛車三萬乘，轉餉二十萬石，踵軍行，踰旬築一城，又


踰旬又城之，每城量貯餉，留守名城曰平胡，殺胡

暹羅國入貢。

國權

永樂七年

主



庚子韃靼頭目失保赤等來歸授失保赤右軍都督僉事

設阿倫衛 女直野人

辛丑韃靼知院禿赤歸來歸寧夏總兵陳懋遣入京

張輔屯清化陳季擴自稱前王陳氏後致書求封輔曰奉命

討賊不知其他斬使者段自始進師都督朱榮蔡福先驅輔

舟進自黃江阿江大安海口至福成江轉入神投海口皆決

其障柵踰旬會兵于清化簡定已走濱州季擴走又安餘黨

阮帥胡具鄧景異皆敗走

夜天鳴

癸卯設塔麻速衛 女直野人

戊申夜大星出華蓋北行至游氣

壬子徐禎嗣武康伯 徐理之子

寧國衛改涿鹿左衛


乙卯諭天寒百官于右順門便殿奏事

丙辰右軍都督僉事陳春卒壽州人

戊午撒馬兒罕入貢

徽州府同知劉敏卒敏河南人舉賢良居官疏布強毅

通洽嘗採木與民同甘苦卒時空橐郡人慕之不置




辛酉翰林典籍金寶為左春坊左司直郎東宮
甲子命兵部覈北征將士存歿
乙丑榜葛刺國王嚮牙思丁蘇門答刺國王宰奴里阿必丁
各入貢
是月甘肅總兵何福送降胡把禿等二十七人至京授把禿
北京留守行後軍都督僉事伯克帖木兒哈刺你敦皆右軍
都督僉事餘指揮千百戶有差把禿賜姓名曰趙忠美伯克
帖木兒曰宋一誠哈刺你敦曰張隆善演只不花曰王懋忠
撒兒桃曰劉允信餘皆賜姓名

十一月乙亥長至日 上御奉天殿受朝賀

夜月犯壘壁陣東星

戊寅安徽和州知州康慶仍監察御史

交趾總兵官英國公張輔征夷將軍黔國公沐晟獲渠帥簡
定等定至巨勒冊欲從地冊趨天關鎮拒我晟進磊江南趨
巨勒冊都督朱榮都指揮羅文等復從磊江上牛鼻關輔率
都督朱廣都指揮陳懷等趨地冊抵天關鎮簡定已走多杯
冊追至美良縣吉利冊定寓民舍望見震恐棄馬走入山園
獲之并偽將相陳希葛阮汝勵宴阮等



辛巳免思明府田租秋水傷稼

丁亥夜金星犯罰星

乙丑夜大星出天園西南行至游氣

癸巳命寧遠侯何福舉部將才智者

甲午兩淮都轉鹽運使伏伯安為工部左侍郎蔣廷瓚為右

侍郎

丁酉思恩侯房寬卒寬陳州人大寧行都指揮同知習諳邊

務而矢士卒心靖難師至縛以降數從征有功賜葬

夜大星出奎宿行至地濁

十二月戊戌朔王琰嗣武城侯 王聰之子 李安嗣安平侯 李遠之子

前山西布政使左叅政李剛為工部左侍郎

甲辰鎮守大同江陰侯吳高運米芑各三萬石于萬全衛

戊申行在工部左侍郎兼少詹事趙毅坐事謫戍交趾

守京城門內使王烈言城門郎某不即役城門郎言母疾嘗

內白使暫歸即來太子逮烈重戒內使言事不實者


庚戌以濟寧至良鄉民久運免本年田租一年

壬子進寧陽伯陳懋為侯食祿一千三百石

都督譚青率兵赴北京

國權 永樂七年

五



夜月犯火星

甲寅浙江福建道監察御史陳灝徐敬為左春坊左右中允
左春坊左中允周幹等劾吏部右侍郎師達採木湖廣嚴急
激李法良之叛今停採木擅留軍起運宜罪皇太子俟駕旋
議之

丁巳鳳陽府推官侯諒為廣東道監察御史

乙丑召交趾總兵官英國公張輔副總兵清遠侯王友率都
督朱榮蔡福林帖木等還北京


朝鮮國遣使入貢


湖廣布政司經歷董暹為河南道監察御史

丙寅安邑縣乞停逃民逋租 上諭行在戶部凡各郡縣逃
民悉停徵

始立東廠刺事內官主之

設遷曰自遜國萍梗流聞無據 上之積疑益不可解于
是命胡給事濛訪張玄鄭太監和下西海旁皇卻顧猶未
憚于心璫校刺事布彌天之網牢籠一世孰知其流弊極
于後裔如振如直如瑾如忠賢深戒叢穿胥天下而禍之
也嗟乎靖難時狗兔諸閹習馬土之業故寄腹于左貂專





使分閩詔獄相籍不已末勢淪胥與漢唐同轍追其所自
 文皇帝之于履霜疎焉矣

[Faint bleed-through text from the reverse side of the page, including characters like '國權', '永樂八年', and '正月辛未']

國權

永樂八年庚寅

正月辛未召鎮守寧夏寧陽侯陳懋從征

李茂芳嗣富陽侯 駙馬都尉李讓之子

丙子英國公張輔敗賊黨阮師檜于東潮州師檜偽稱王據

東潮州安老縣宜陽社衆二萬餘人至是兵圍宜陽社擊斬

四千五百餘級擒二千餘人皆斬之築為京觀

己卯皇太子攝祀南郊

國權 永樂八年

已丑泰府保安王尚煜薨謚懷僖

辛卯許四川棉布得販茂威疊溪特嚴出境之禁令

夜大星出文昌西北行至近濁

壬辰濟寧至京師輸運之民免役一年

福建布政司照磨李斌尤溪典史鄭子成為山東山西道監察御史

癸巳皇太子遣都察院右副都御史虞謙戶科給事中杜欽

往鳳陽淮安揚州陳州視水災免其今年田租贖鬻子

甲午廣東按察副使紀正為應天府尹


乙未諭從征諸將士

交趾總兵官英國公張輔等請留都督江浩都指揮俞讓花英師祐領兵聽沐晟調遣從之

設遷曰陳季擴鄧景異尚在濱州又安遽還英公則北征亟之也假得須臾少緩將攻其心交人不復反矣何天之藉手于下貼其憂于南也噫

昌黎教諭李曩為禮科給事中臨邑教諭陳天民為戶科給事中監中許堪為山東道監察御史

丙申進士童寅甘霖監生蹇質周拱俱廣東道監察御史金




文斌駱大良許琪俱河南道監察御史賈旭湖廣道監察監
史劉可范寧俱北京道監察御史鄭季輝山西道監察御史
蕭良浙江道監察御史張意汪泳劉政俱四川道監察御史
丁酉偽大越上皇簡定為輔國太保文安海鎮將軍福成郡
公陳希葛偽東都路安撫使阮汝勵偽鈞鈐將軍管領麟翔
軍阮宴等械至京伏誅
二月戊戌朔命皇長孫留守北京
勅黔國公沐晟仍征夷將軍充總兵官雲陽伯陳旭副之征
交趾餘寇

辛丑詔曰北下殘孽肆逞兇暴屢使撫循輒見拘殺思既過
背德豈可懷朕仰稽天道則其運已絕彼驗人事則彼衆已
離今親率六師用彰天討且朕必勝之道有五大擊小順取
逆治攻亂逸伐勞悅弗怨鮮不殘滅掃清沙漠將疆場又安
可以解甲而高枕矣

勅行在戶部尚書夏原吉輔導皇長孫諭曰以房玄齡委卿
趙王高燧整理北京軍馬廣平侯袁容泰寧侯陳珪輔之
癸卯國子祭酒胡儼兼翰林侍講

甲辰應天府尹姚恕才詔降為湖廣布政使右叅議



安徽廣德知州楊翰坐事當逮邑人頌其美政宥之復官

乙巳設法因河元應河古木山三衛野人

丙午哈烈國沙哈魯把都兒入貢元帖木兒駙馬子也時與
侄哈里構兵貢使還勅諭之

丁未 上征胡發北京翰林學士胡廣侍講楊榮金幼孜扈
行靖遠侯王友將中軍安遠伯柳升副之寧遠侯何福武安
侯鄭亨將左右哨寧陽侯陳懋廣恩伯劉才將左右掖都督
劉江等為游擊將軍前驅都督薛祿龔節等為驃騎將軍都
督指揮侯鏞陳智等為神機將軍都督金玉等為鷹揚將軍

都指揮李文等為輕車將軍分督之不督隸五軍凡五十萬

象出德勝門晚次清河

遣使勅勞別失八里王馬哈麻初詔使往撒馬兒罕歷其境

甚恭謹


夜大星青白光燭地出右攝提東南行至近濁没

戊申晚次沙河

己酉早寒午次龍虎臺遣祭居庸山

蔚州衛千戶周全脫自中奏本末

庚戌度居庸關僅容駕九數處次永安甸大風晦陰須臾



大雪少頃霽日下五雲見

皇太子除江西新城縣今年荒租


辛夷風寒甚軍行且獵諸時山雪霽上曰到此看山又一
奇也次懷來

壬子次鎮安驛早發行數里道邊有土垣如故城元時官酒
務也元幸上都于此取酒牛次雞鳴山唐太宗昔征高麗曾
登此山而雞鳴上指示曰元順帝北遁此山忽崩聲如雷
癸丑巡按直隸監察御史劉煥劾左通政趙居任治浙直水
無功皇太子封章示之

甲寅 上登雞鳴山甚峭上有斥堠下有故永寧寺址歐陽
玄碑存渾河流其下列石柱數十牛出地上路甚窄行十二
里過坳兒山險如鷄鳴既過漸平 上立馬高岡指示諸山
曰此天之所以限南北也午次泥河見病卒騎載至營藥之
中軍左都督郭義私役軍士販芻葷皇太子宥其老

乙卯次宣化府 上閱武營內夜雨

己未旦發宣府晚至宣平顧翰林侍講金幼孜等今計狡
猾惟守開平興和寧夏甘肅大寧遼東等處則邊境永謐矣
河南許州知州潘文奎為左春坊左司直郎



辛酉發宣平次萬全大風寒微雪

壬戌發萬全行數里至城下 上曰此城朕所築入德勝關

冰滑馬蹄上野孤嶺 上指東南諸峰曰過此山盡下矣營

興和之城北

癸亥遣祭所過山川 上駐馬營前曰此陰山脊也若塹山

湟壑而守之誰能越者

建德教諭項伯賢監生郭良周順俱為工科給事中 東宮

甲子 上閱武營外天晴大風忽天陰命亟回營雪下復霽

英國公張輔等至自交趾命提督宣府萬全興和等處操練

受趙王節制勅清遠侯王友循野孤嶺抵德勝關武安侯鄭

亨往宣府萬全督餽運

乙丑大閱兵

三月戊辰設葛稱哥衛 野人


夜大赤星出太微東垣行入右執法旁

辛未琉球山中王思紹入貢

涼州衛韃官千戶虎保赤張字羅台等永昌衛韃官千戶亦

令真巴等各叛恣掠皇太子命後軍都督僉事費璵討之刑

部尚書劉觀贊其軍時有訛言移降胡別衛故叛都督吳允



誠從北征脅其子管者不從管者謀于母率所部擊捕三十人下之獄

壬申忻城伯趙彞守宣府

命湖廣浙江江西轉餉北京三百十萬石

癸酉發興和過鳳凰山山西南即沙城次鳴鑾戍 上指示

曰此大伯顏山其西北有小伯顏山東北即開平也等汝至此方知塞外風景讀書但紙上見耳適所過沙城即元中都最宜牧馬

甲戌馬刺順寧王馬哈木貢馬


前北京刑部左侍郎喬穩謫交趾皇太子念之除行在苑馬寺卿

上夜坐帳殿前望北斗召侍講楊榮金幼孜觀北辰正直頭上語至二十刻

乙亥 上大閱列陣數十里既畢賜將士酒食

賑穎川饑民

丙子發鳴鑾山行東北有山殊高 上曰此大伯顏山過凌霄峰即小伯顏山也駐營少水夜雪始可炊 上登峰望漠北嘆曰元盛之時此地皆民居今萬里蕭條尚倔強何哉



丁丑皇太子許開四川南部內江等縣益井

庚辰勅供具減半還興和

辛巳都指揮章安等為輕車將軍同尚書吳中轉運平湖城

安徽滁州知州陳璉課最父老乞留以揚州知府兼滁州事

壬午 上東發次五雲關

野燒迫行營風發分二道繞營而去

甲申次錦水磧報卜跡命嚴備

已酉發錦水磧行至十餘里有古城 上曰此蒼魯城也朕

昔嘗獵于此午次環瓊圃自此皆沙陀漸見榆林烏鳶

茂名知縣董子莊為行在國子司業

夜大赤星出漸臺自東北行至近濁

丙戌次歷下川水鹹炊飯黃 上晚刻示翰林學士胡廣等

曰此即古交河今為哈刺火州水齧沙出碑曰唐交河郡

丁亥雲陽伯陳旭卒于軍旭安徽全椒人會州衛指揮同知


從靖難封

戊子次金剛阜勅游擊將軍都督劉江哨清水源據之

汝寧府照磨劉幹為戶科給事中復柴履白威監察御史

已丑蘇州妖婦鄒氏誣降邪神法當絞子梁阿柱力求代死

皇太子杖婦遣之



辛卯嗣教真人張宇初卒

上次小甘泉有海子水清鹹不可飲多水鳥地志云鴛鴦灤

壬辰發小甘泉上曰女直有山其巔水白草木皆白亦產

白虎豹所謂長白山也此去遼東可千餘里晚次大甘泉

中城兵馬副指揮李新為廣東道監察御史東宮

甲午移營大甘泉北十里

皇太子定雲南大理金齒景東召商中益

乙未次清平源平地泉溢數畝足人馬賜名曰神應泉

四月丁酉朔撫寧老人張甫通遷安老人何彬督運至清水源

各授本縣丞

戊戌交趾署布政司事工部尚書黃福上五事曰令廣東廣

西設欽州靈山橫州驛站相要害立衛所巡檢司曰雲南開

中益糧助餉曰交趾官吏軍民欲還原籍乞給脚力行糧曰


官吏月糧量撥閒田自種食曰官吏自內地三年考績赴京

給由皇太子納之

庚子夜行營刀戟皆有光

大星出紫微垣內后星旁行至北斗魁

辛丑發清水源沙陀漸少晚至屯雲谷載水而炊



壬寅曉發寒甚皆皮裘狐帽午次玉雪岡

癸卯發玉雪岡望一山長而峰巒高秀 上曰此賽罕山華

言好山也又云阿卜者華言高山也其中人跡少至則風

雷交作刺不可留故下 騎少登者若尋常可登下 憑高見我

軍矣午次玄石坡 上為之銘曰維日月明維天地壽玄石

勒銘與之悠久命學士胡廣書石晚有泉溢賜名曰天錫

甲辰日本國入貢表謝

上次鳴轂鎮

乙巳發鳴轂鎮甚平曠午至山谷晚次歸化甸有泉出賜名

曰靈秀

夜月犯靈臺上星

丙午江南昆山訓導唐貞為戶科給事中海門訓導宋琮為

刑科給事中


戊申 上次楊林戍以深入免諸將朝晚泉溢賜名曰神貺

庚戌夜大星出建星東南行至雲中有三小星隨之

壬子次擒胡山爰為之銘曰瀚海為鐔天山為鏑一掃胡塵

永清沙漠賜其泉曰靈霽

癸丑次香泉戍



甲寅行沙陀中多桃榆午後至廣武鎮西南山峻甚秀以常有靈異命曰靈顯翠秀峰泉曰清流 上銘曰於鑠六師用殲醜 山高水清永彰我武
乙卯晚次高平無水載水廣武鎮
夜月犯十二諸侯國秦星
丙辰次懷遠塞
前北京行部左侍郎武功馬京卒于錦衣獄京洪武乙丑進士授翰林編脩履潔持正歷通政使大理卿永樂初改北京佐皇太子甚得力漢王忌而毀之謫廣西已舉其文學終坐

前毀獄死

丁巳次捷勝岡有湧泉名曰神獻

戊午發捷勝岡四望無極 上曰真大漠也午次清冷泊有

涌泉名曰瑞應

國子生沈和傳璇吳整陳鐸楊彛周岐俊為六科給事中孫鼎為北京道監察御史

開四川井研縣井鹽


夜大星出左攝提西南入太微垣內右有一小星隨之

己未至雙秀峰載水而行適陰雨人馬不渴

國權

永樂八年

土



庚申次威下鎮名泉曰永清日暮上未食視各營皆食始膳
辛酉次紫霞峰

壬戌次玄雲谷聞涼州降胡叛命都指揮僉事史昭充總兵
官率兵三千鎮涼州

皇太子免平涼臨洮鞏昌鳳翔慶陽秦階災民徭役一年停
通租

癸亥次古梵場

進士王驥定州學士正程遠為兵禮二科給事中茶陵知縣
歐陽聿脩為浙江道監察御史

涼州叛胡平官軍斬三百餘級虎保赤亦令真巴等遠遁


甲子 上次長清塞泉甚清賜名玉華泉夜漏初下 上立
帳殿前指北斗曰至此望北斗南矣

皇太子設河南衛河提舉司
丙寅次順安鎮令繪營外諸山

五月丁卯朔曉發十餘里過白雲山至臚胸河立馬久之賜名
飲馬河駐營河上名曰平漠鎮

陝西金州大雨江溢壞城舍人畜

夜大星白雲中至近濁没



戊辰駐蹕賜食遣祭山川

己巳曉發沿臚胸而東午至祥雲巘

庚午至蒼山峽峭騎獲下諜五人

辛未次雲臺成

遂安伯陳志卒志四川巴縣人以燕山中護衛指揮僉事從靖難封皇太子予祭葬時右軍都督僉事和州沈清亦同功後志卒亦予祭葬

壬申次錦屏山

癸酉次玉華峰


甲戌次環翠阜胡騎都指揮款台獲下一人云可汗失雅失里西奔在兀古兒札河阿魯台東奔晚遂度飲馬河營馬皇太子賑滌宿二州饑民粟三千四百石有奇

乙亥以輕騎逐下人賫二十日糧令清遠侯王友廣恩伯劉才領餘軍築殺胡城于河上

丙子發聞喜岡命諸將以次進避山取便道毋疲其卒清遠侯王友送都指揮婁鬼所獲下人口孳畜于上

丁丑次平下寨用下百戶為鄉導

沐晟追陳季擴于虞江即遁追之會潮靈長海口斬三千餘



級羊牛甚衆

皇太子命築平度州河隄

戊寅 上至兀古兒札河 先遁駐河上賜名清塵河夜倍道追之

沐晟遣中軍都督僉事江浩擊鄧景異于魯江不利廣東都指揮孫全戰爭江中砲死

已卯 上及于幹難河 拒戰 上登山奮擊敗之本雅

失里以七騎絕河走俘獲男女輜重畜產仍命游擊將軍劉江驃騎將軍梁福等追之 上駐蹕滅胡山

皇太子設陝西茶馬司

辛巳諸將俘把克帖木兒等男婦百餘人 上釋之賜廩畜

旋師五原峰勅清遠侯王友等簡銳俟征阿魯台

壬午皇太子改行在行部主事趙燧為左春坊左司直郎

癸未 上次清塵河

設行在國子監典籍

丙戌次飲馬河遣都指揮李文中官海壽書報皇太子


班師詔天下 上以騎兵東逐餘 晚至威遠戍

丁亥次殺胡城勅成安侯郭亮督運赴應昌

國權

永樂八年

十四



命清遠侯王友廣恩伯劉才領兵先赴開平時報下知院失
乃千西走廣武鎮欲降遣指揮廓帖木兒等招之命王友
等如值失乃千善撫之如不降即進擊之
勅工部尚書吳中都指揮章安督運前赴擒胡山
肅州衛僑夷哈刺馬牙等叛殺守禦都指揮劉秉謙等指揮
冀望陳傑等約赤斤沙州哈密而千戶朱迪等自外夾攻敗
之赤斤衛千戶塔力尼百戶薛失加沙州衛指揮因即來各
兵至平之以按察僉事馬英激變命磔于市
戊子 上循飲馬河次威遠戍

己丑雨 上次廣安鎮

庚寅次蟠龍山 上念士卒艱苦凡所獲牛羊及光祿寺上
供米麩諸物悉均給之


辛卯次臨清鎮

夜月犯昴宿

壬辰次定邊鎮載水早炊遣都督梁福祭去年陣亡者

癸巳次雙清源夜禁火

甲午曉發午至河水益深縛柳筏以渡翰林學士胡廣等莫
渡者東行十餘里得女真人裴牙失帖木兒為東寧衛指揮



乃渡過渡得木馬鏃下書翰林侍講金攷幼歎曰一時武將
力足以渡莫渡者渡我輩乃出女直人裴牙帖木兒善騎射
上選其騎三百以從曉次平山甸胡廣進木鏃上使譯之
曰札達華言詛風雨也
吏科給事中陶瑋有罪下獄瑋許其鄉匠某役于京私賈皇
太子謂其褻言官體命詆匠則瑋之隣有私忿而誣之也
乙未攻盤流戍

六月丙申朔次凝翠岡

丁酉經濶灤海子白浪隱如上有山限之上曰幹難臚

胸凡七河注此中周圍可千餘里遂賜名曰玄冥池晚次王
帶江河

戊戌次雄武鎮

臨潼教諭李瑒廣德訓導蔡彬監生聶獻高英為給事中瑒


吏科彬兵科獻禮科英戶科

庚子次澄清河實錄云青楊戍

琉球國官生謨都古等三人入太學

辛丑次青楊戍雨甚

壬寅早發四渡河水急午次克忒克刺華言半竹山也多



松林晚次蒼松峽

夜大赤星出輦道行入貫索

癸卯次飛雲堅夜兼程前進

甲辰報阿魯台聚前山發飛雲二十里哨見下列陣待上

嚴陣先率數十騎登山望勢相距數十里下且迎且卻少頃

下遣人來偽降上亦預書招降勅待之召金幼孜取付下

使行阿魯台欲降未決又遣甥朵兒只至上酒之復遣使

偕往其下降否半之阿魯台太息曰如戰敗欲降可得乎我

使還奏其猶豫上先數百騎挑之下迎戰左哨當敵下選

鋒數千騎衝我中堅上麾宿衛摧敗之阿魯台墜馬復上

追奔十數里時暑甚將士饑渴亟收軍次第靜下鎮

乙巳上旋師遂殘下晚次駐蹕峰忽雷雨足飲

皇太子免潁州太和水災今年田租


丙午上先將精騎長騎命都督冀中金玉等殿後至長秀

川下棄輜重彌望焚之收其牛馬雜畜

夜大星犯太微垣右執法

丁未上追及下于回曲津安遠侯柳升發神機銃聲震數

十里矢連洞人馬下懼走追破之斬其名王以下百數十人



戊申復追于廣漠城大敗之

已酉發廣漠城行數里渡河泥深陷馬腹餘下尚出沒
上按兵河曲佯後數人載輜重誘之伏數百騎柳林中下競奔
前統震伏發皆倉皇渡河我騎乘之生擒數十人餘盡死晚
次蔚蘭山

庚戌次寧武鎮餘下多來降

勅英國公張輔成安侯郭亮轉運行營

辛亥次紫雲谷

皇太子以膠州水災逋租折布帛

壬子次玉潤山 上見病卒命善視之凡病者皆給醫酒治

甲寅次青陽嶺

監察御史李公敏劉先劉勉張睿郭德商忠有罪下獄公勉

挾妻外飲通夕先等俱娶棄婦被劾

乙卯次清華原命車載病卒

丙辰次淳化鎮

丁巳次秀水溪


儒士張昌齡求祿養皇太子授中書舍人

戊午次淙流峽

國權

永樂八年

丈



乙未次錦雲峰成安侯郭亮餽運至

庚申次永寧成時清遠侯王友等將至擒胡山距失乃干僅一程迂道避往廣昌致軍士乏食多死

辛酉次長樂鎮令都督劉江等殿後勅英國公張輔以二千騎助之瘞遺骸

勅責王友劉才

濟南訓導田衡進士汪善顏寶孫確魏智張昭監生陳鏐周汝賢為給事中衡工科善吏科寶吏科確智昭鏐刑科汝賢禮科進士汪景明謝孚為江西陝西道監察御史

壬戌次通州甸 上遙指海邊石山曰此即三石山也勅張輔閱王友等兵仗


江寧知縣王愷為左春坊左中允

癸亥次金沙苑令張輔領王友等部衆

甲子次玻璃谷

乙丑次威信成皇長孫及趙王高燧行在各官上迎鑾表于行營

琉球國中山王遣使入貢使臣林佑本漢人求冠帶皇太子許之



七月丙寅朔次武平鎮

丁卯次開平營幹耳朵華言宮殿也蓋元時舊址荒臺斷礎
零落烟草間 上謂侍臣曰朕塞外久素食念士卒艱難不
獨甘耳至是頒賜所獲牛羊給食始復常膳
駙馬都尉西寧侯宋琥為征 前將軍總兵官鎮甘肅
戊辰遣右春坊右庶子兼翰林侍講楊榮齎書諭皇太子簡
各當兵扈蹕餘先入居庸關
改開平李陵駙為威 驛
已巳次環州

庚午次寧安驛

壬申經元西涼故亭晚次盤谷鎮

癸酉入峽中兩山相夾 上曰險若是即 騎千群豈能至

縱至斷其歸路矣晚次獨石


何喬遠曰讀金匱攷北征錄見 成祖君臣之契又知封

燕之日奉 太祖命深入逐 盡悉其山川險要矣天生

神武焚城犁庭豈偶然哉

甲戌次龍門皇太子遣兵部尚書兼詹事金忠上迎鑾表

詹事府丞陸中善進袍服 上令入闕與將士同易



乙亥次燕然關
丙子次長安嶺方出險
丁丑次鎮安驛
戊寅次懷來
己卯次永安甸賜侍臣瓜果
浙江平陽縣潮溢
庚辰度居庸關次龍虎臺行在群臣迎見即遣歸
山東登州府疫
辛巳次清河

皇太子賧安慶鎮江鳳陽徽州饑民糴萬六千一百二十石
壬午上至北京御奉天殿受朝賀


設遷曰上不勝邱福之忿慷慨臨戎出塞千里觀其走
可汗敗太師所俘斬史不著其數則鹵獲亦甚微矣異時
馮勝藍玉之功于衛霍有加焉 文皇帝躬秉黃鉞曾未
當其百一故屢駕而未已也蓋天子自將諸元侯銳士徒
知稟畏謀議畜胸故唐宗不能得之高麗宋無不能得之
契丹六飛親駕願入主毋易言之也

癸未宴群臣于奉天殿

國權

永樂八年

主



甲申賜尚書夏原吉鈔幣

乙酉松溪縣丞李嘉為浙江道監察御史

己丑工部侍郎 招復山東青莒等流民萬三千四百戶

庚寅築開平衛城

辛卯浙江桐鄉衛潮溢壞城署

夜大星出北落師門行至近濁

甲午錄從征功陞賞有差

八月乙未朔左軍都督僉事梁福為都督同知

丙申夜大星出西南行至游氣

丁酉先是監察御史李琳言福建各鹽場虧課悉論官吏苑

上察其艱難俱宥之

辛丑後軍都督僉事王麟為都督同知

壬寅安遠伯李升進封侯

癸卯賑伏羗通渭等縣饑民粟九千八百八十石有奇

大理寺左寺丞遠志有罪謫北京苑馬寺軍

乙巳都指揮使薛貴為中軍都督僉事王勇王禮為左軍都


督僉事楊山倪寬為右軍都督僉事吳能朱旺朱能為後軍

都督僉事

國權

永樂八年

三



庚戌邠北征陣亡物故將士悉厚賜其家

癸丑錦衣衛指揮使紀綱為都指揮僉事仍署衛事

甲寅吳伯克從征功授涼州衛指揮僉事

都督同知
吳允誠子

乙卯建州衛指揮使釋家奴為都指揮僉事賜姓名李顯忠

千戶咎卜為指揮僉事賜姓名張志義百戶阿刺失賜姓名

李從善可捏賜姓名郭以誠俱正戶從征征

釋家奴乃指揮
阿哈出之子

寧遠侯何福懼罪自殺福人國初積功指揮使歷都督

僉事建文初進同知禦靖難戰淮南北輒敗降上以征下

前將軍總兵鎮陝西寧夏既舊人重將招胡酋內附為多素

有勇略從北征數違節度或言其罪怏怏有怨言左都御史

陳瑛劾奏之懼自經爵除

設遷曰史言何寧遠寵祿既極從征沙漠數違節度而不

指其實蓋以嫌死言也宿將扈蹕既無老謀又逐少年後

驅馳塵露間臺抨其能免乎張英公功冠交南亟借而北

謂抗鋒追北之是任顧俾之督運則天子自將不欲諸臣

分其功噫聖意淵哉不可及矣


丙辰中軍都督同知夏貴為右都督左軍都督僉事薛斌為

都督同知

國權

永樂八年

十三



中官言嘉禾海壽勅賜朝鮮國王李芳遠銀千兩紗羅千匹
綵絹五百匹芳遠前獻馬萬匹助北征

乙未賜從征文臣鈔幣有差翰林學士胡廣侍講楊榮金幼
孜賜同尚書

進士陳永昌為吏科給事中朱暹為兵科給事中

辛酉旦老人星見色亦黃

癸亥右軍右都督馬榮卒榮徐州人襲永清衛所鎮撫從靖
難有膽略御下嚴肅追封景城伯謚壯武子昇世忠義前衛
指揮使

甲子夜水經犯左執法

是月前軍都督同知童信為右都督後軍都督僉事趙忠為
左都督都督同知薛祿為右都督


浙江臨海縣大雨水傷稼

九月戊辰夜大星出雲中行至近濁

己巳幸天壽山諭督工武義伯王通存恤工匠

壬申北京行在行部右侍郎張思恭卒思恭蒙城人薦授刑
科給事中在北部嚴馭遣鎮大同人咸稱其能憂去

癸酉占城入貢



乙亥刑部右侍郎金純為左侍郎
夜木星犯靈臺上星

丙子朝鮮國王李芳遠上平胡表

後軍都督僉事吳庸卒于淮安庸安徽蕪湖人始濟南衛百
戶從靖難子凱襲金吾左衛指揮使同時北平都指揮使山
陽劉經燕山左護衛指揮使濟南趙課僧卒皆賜祭

丁丑夜月犯外屏西星

己卯中官張謙行人周航還自淳泥國王遐旺借入貢
甲申許福建今年秋糧折收布鈔

丙戌夜大星光青白出白雲中流入近濁

丁亥撫安山東給事中王鐸言長山等縣文廟像左衽乞改
正允聖賢像衣服冠非古者悉更之報可

己丑夜月犯太微西垣上将星


庚寅給趙王高燧歲五萬石鈔五萬錠

壬辰陳英嗣遂安伯 陳志之孫

遣內官閔僧徵西番尚師昆澤思已

夜金星犯天江

十月甲午朔夜大赤星出西垣旁行入輿鬼



乙未禁列侯都督家中益牟利

丁酉 上發北京

戊戌刑部左侍郎劉季篾降為兩淮都轉益運使司副使應天府尹向寶降為兩浙都轉益運使司判官

癸卯 上作務本之訓賜皇長孫

戊申崑山日照等縣民饑貸倉糧不能償折鈔

庚戌太白晝見

壬子犯^夜月犯五諸侯南星

癸丑夜大赤星出天津行至近濁

甲寅次濟寧魯王肇輝來朝

夜有大赤星光燭地出天闕流五大餘又發光行入天桴

乙卯 上聞周王櫛作殿祀 太祖高皇帝因賜以書曰禮

支子不祭王國祀始封者 太祖高皇帝朝廷自廟祭今祀


于國過矣

丁巳次臨清賢妃權氏薨謚恭獻厝于山東之嶧縣

戊午夜月犯太微垣右執法

己未夜大星青白光燭地出白階北行入紫微垣行至勾陳

十一月癸亥朔夜大星赤光出五車行入北河有二小星隨之



乙丑武安侯鄭亨充總兵官守備宣府

己巳夜大星赤光出內階行入九游

癸酉福建都指揮使童俊下獄時倭寇陷大全浙江定海二

千戶所及羅源等縣攻平海衛城百戶繆真等力戰死之

甲戌 上至京師

辛巳虎賁左衛千戶楊瑞訐指揮曹陞私畜妖書擢府庫衛

指揮僉事

壬午張宇清襲正一副教清虛冲素光祖演道真人 字初弟

左軍都督梁銘侍于皇太子擅用罪卒入直千戶卜王發之

遂下獄

上聞哈密忠順王脫 酣憤遣指揮毋撒等戒諭之未至脫

脫暴疾卒

設喜申衛

乞烈連頭目干塔奴等來朝

丙戌後軍都督同知陳亨為右都督

壬辰宥涼州千戶虎保赤等罪益流言悞之倡亂遠遁特命

指揮哈刺那海等勅諭之尋率妻子一萬二千餘人來歸


十二月癸巳朔太師阿魯台遣使來貢馬

乙未楚王楨世子盤城來朝已夷還國

國權

永樂八年

二十七



脩開封城時河決壞城二百餘丈

瓜哇國暹羅入貢

庚子周王楠來朝

遣行人余炅勅賜涼州都督吳允誠妻綵幣蓋虎赤之變保

不從叛且有擒獲子管者進指揮僉事

壬寅右軍都督僉事趙清致仕

蜀江南如臯縣去年水災田租

癸卯右通政趙居任脩江南吳江縣浙江嘉興縣石塘

鴻臚寺卿祥符李偉卒賜祭

丙午設兀烈河朵兒必河木里吉卜魯兀乞塔河五衛野女直

丁未勅諭韃靼太師阿魯台遣指揮岳山鎮撫丁全等同來

使往賜綵幣

戊申蘇門答刺國榜葛刺國入貢

庚戌刑科給事中周智有罪謫交趾

欽天監副徐伯揚卒伯揚江西樂安人精歷象學行端謹國

初官司天臺靈臺郎改知祁縣坐事成邊起欽天監五官靈


臺郎歷監副

辛亥孔彥縉襲封衍聖公孔子第五十九代孫

國權

永樂八年

天



壬子隆平侯張信占江南丹陽縣練湖八十餘里及江陰官田七十餘頃都察院左都御史陳瑛劾之下法司鞫治
夜月犯木星

癸丑諭吏部尚書兼詹事蹇義令御史不得用刀筆吏舊吏為御史者皆罷之著為令

皇太子改左春坊左司直郎徐善述為左贊善

甲寅勅甘肅總兵官西寧侯宋琥毋遣人出塞外交

乙卯撒馬兒罕國火州國入貢

罷京師城門郎


丙辰郊壇祠祭署改為天地祠祭署鍾山祠祭署改為孝陵祠祭署


朝鮮琉球二國入貢賀正旦

丁巳永壽王尚炆來朝

戊午交趾陳季擴上表乞降許之授交趾布政使陳原樽為叅政阮帥胡具鄧景異鄧鎔為都指揮潘季祐為按察副使遷右通政方素易等勅諭之

己未開會通河自濟寧至臨清四百五十餘里





國家圖書館, NATIONAL CENTRAL LIBRARY, TAIWAN, R.O.C.

